

АССАЛАМ

assalam.ru

НА ДАРГИНСКОМ ЯЗЫКЕ

РУХЛА ВА БАГЪУДИ ТИНТИБИРНИЛА ШАЙЧИБСИ ГАЗЕТА

№ 12 (113) декабрь 2008 г. / БАЗЛИ ГЪАЧАМ ДАРГАН МЕЗЛИЧИЛ ДУРАБУЛХЪУСИ / зуль-хиджа 1429 г. Багъа 15 къуруш.

РЕДАКТОРА КОЛОНКА

Ишбархи нушала жагъилтала ишбархи телевизорлизирадра, газетабирадра, журналтазирадра, радиолизирадра дяхичикаибти секлайс пикрибулхъахъути сари виклес хлейрар, сенкун гъачамлис жагъилти селичи-биалра пикрибиклес хядурли ахлен.

Илдачи дяхичикаибти биалли чили-сарил къас-къасли пикридарибти нясти макру сари. Телевидениели ишбархи чедиахъути се сарил хлушани чедиулра кьалли, илдани адам вархли пикрииклуси ветарахъули ахленну, илизир лерти адамдешла кьиликь-уни булан детихъахъули сари, телевидениели адамлизиб адаб-хияялис мер балтули ахлен. Къямалла бархи бируси биъниличила пикриухъахъес адамлис мугълат лугули ахлен. Гъайгъай, адамла хъуцрумачиб бек лебли гьегъи, телевидениелизирадра чедитахъутала сегъуналра урехи лебси ахлен биклутира къаршибиркули саби. Илкьяйда бизс гьегъисире. Амма лебу гъати ишбархи гьарилла хъабличиб бек? Бек лебталара дагъри агарли урдлухъули диалли. Ил беклизе телевидениели сегъунти пикрумидиарахъули?

Марлирагу, ишбархи нушала къакъурбазибад аркули чебиути канира къакъра гьаргти, някъбазиб папрусличилти, мякъларад шалгьердулхъути иномаркабала бухна селигиб-сабил умцутиван гушти хлулбачил хьербиклуте жагъил хъунул адатас саби жагатира, мурул адатми чучи гьашикъбирахъулра, дяхира нукубира киражли дакибти илдачи мякълаб къаршибикибти адатми пахрули бирцули саби или гъанбиркулив? Илкьяйда гъанбиркути рурсби мурхли хатлабиркули саби, гьамрулизиб илди жявли бунагъ-хатлализе биркули саби ва гур бахъли бисули саби ва дугли ардякъунти гьамруличе къакъабиклули саби.

Бегларе децлагеси саби, илгъуна даражаличи жагъил хъунул адатми чула саби бетиркни, илдигъунти бетаахъес илдачи гьажбируси чилра агара, саби гьахлулалли илдигъунти гьамру чердирклули сари илдани. Мурул адатми чучи пикри бяхичаахъес илдигъунти аварали биркути жагъил хъунул адатми гур чули дирути аварала къурбунти бетарули саби. Илди рухла шайчибра палакатбиркули саби, селисалра гъалаб. Бахъалгъунтас гъанбиркули саби, чучил илгъуна бетхларар, нуша сеннира илгъуна бетхлеахъес бажардидиркехе или. Сецад хлейгеси биаллира, лебтасалра берцес бетарули ахлен, илдигъунти балагъ-къадарлизе гьарил викес вирули сай.

ДУГЪАБИЗ



Республикала бусурмантаци Дагъиста муфтийла дугъабиз

Ряхиму-уркѐцила веґ Аллагъ багъандан! Ахлерти динна узби ва рузби!

Аллагълис деза, сенкун бухъанси заманализиб диннис гьелабадкабиркули кали гьегъи, нушаб азадли Ислам руркъес ва илала тьахяр-къяйда дузахъес имкан гьиб.

Амма азадли луклес ва Ислам тинтибирес гьибси имкайчил гьалимтира агьлу-с-Сунна вальжамагъализибадти бусурмантицун ахленну, исламличи гьамти сарра биклутала ялгъан къукънала ва бяхичибизунала вакилтира пайдалабирули саби. Илала дурабад, Исламличила луклули саби, цацахъели чула беклахудила даража

ахъбуцес къасбарибти, байху гьалимтира динна гьилмуртазибад селра хьелалуте цьабти адатми. Лерилра илди секлай бусурманти бирхахъули саби, гьагъисе журала литература чеббирклес къиянбулхъули саби, илди деклар-декларти пикрумачи кабилзахъули саби ва илдала ургаб бижгурдеш алклахъули саби.

Ил багъандан Дагъиста бусурмантала рухла идарала шайзивад республикала лебилра бусурмантаци дугъаилзулра ДУМД-ли ункъли чехледаибти ва маслигъатхьедарибти жузи хлейсахъес ва хьедучлахъес.


Ну илкьяйдали дугъаилзулра Исламла хьекълизирти жузи ва брошюраби дурайънила багаласи баркъудилизи ахъибти лебилра гьалимтаци илди дурайэс багъандан ДУМД-лизибад лицензия сайсахъес.

Илкьяйдали балахъулра республикализиб исламла типография бузес бехлибихъили биъниличилара, иличил исламла хьекълизирти литература дурайъниличил дархдасунти суалти арзили диъниличилара.

ДУМД-ла Председатель, Дагъиста муфтий Гьахмад хьажи ГьАБДУЛЛАЕВ

ДИН ВА НУША

Веґла мазгъаб бузахъес



Ас-Салам фото

Хьабиб МЯХИММАДОВ

Гьегъисе замана мазгъабличе пикри бяхичиэс хьажатдеш агара, Къуръайчире сунналичире хъарихъалли баибси саби биклуте багъарбиубли саби.

Мажахьят илдигъунти адатмизивад цалилра балули виэс Къуръанра суннара Къуръаннизирадра хьадисуназирадра хьукмурти дурайсес бирутачи лехихъахъес жидиклули диъниличила. Къудратла Веґ Аллагъ ﷻ Къуръаннизив виклули сай (мягъна): «Хьлушани балули хьедиадалли, гьилмулизиб бузуте адатми хьарбиэная». ▶▶4

Уважаемые читатели и подписчики газеты "Ас-салам"! Редакция газеты приносит свои извинения в виду того, что последний номер 2008 года вышел с опозданием по причине того, что коллектив газеты находился на хадже. Редакция газеты "Ас-салам"

Номерлизир:

2 САГАТИ ХАБУРТИ ПЕНСИОНЕРТИ-УРГАБ ДУРАБЕРКИБСИ АБЗЛА ИТОГУНИ



6 ГЬАЛИМАА ХЬУРМАТИС ГУБДАНИВАДСИ НУРМУХАМАД-ХИЯЖИ (1948-2007)



7 ИСЛАМАА ГЬУНИКАД КИЕЛРА ДУНЪАЛИЗИРТИ ТАЛИХИЛА ВА ТАЛИХИАГАРДЕШЛА ЛИШАНТИ

САГАТИ ХАБУРТИ

Октябрия 4-личиб Ногъайла районна Терекли-Мектеблизиб исламла гялимтала яргаличилси мажлис бетерхур

Нушала республикализиб Ногъайла район илаб хербирути адамтала 95 процентлици гьамти адимти Хянифала мазгъабла вакилти биъниличибли декларбулхъуси саби. Бахъал бусурман адамтала тилади хясибли «Имам Абу Хянифала мазгъаб хясибли дехибала дирни» биклуси жуз балкъаахъурсири ва дураибсири Дагъиста бусурмантала Духовное управление. Жузла автор сай Дагъиста исламла университетла преподаватель Зайнулла-хяжи Хямзатов. Ил жузлизир имам Абу Хянифала мазгъаб хясибли дехибала дирниличиб хядурдеш бирниличил ва сари дехибала дирниличил дархдасунти лерилра суалти чедетаахъили гьаргдарилли сари. Балга-дугъя дирниличил дархдасунти тяхяр-къяйдара сипатдарилли сари.

Районнизиб хербирути бусурманти дурхъати гялхлас разили гъунибаиб. Илдиклун Дагъиста гялхлад мер-мусаличибад музабухъунтири. Илдигъунти мажлисуни дурадуркни гякълула гинзурбачил тянишби-эс гялхти имканти лугути далдуцуни сари, рухила гямру давлачердирахъули сари илдани ва адаб-хия умудирахъули сари.

Илдигъунти гъунибаънибачиб гъайбулхъути динна шайчибти гялимтани баяндирути секлай бусурмантазиб

Гякълула къую



Ас-Салам фото

дин дебабирахъули саби ва илдазисиб иман имцлабирахъули саби. Илала дурабад, ишбархли жамигъатла духнар къаршидиркути далагардешуназибад мяхкамдеш бирахъесра икъалабирули саби. Бусурманти цабехли биъни иргъахъули саби ва гъатира уржахъули саби.

Кабизурси гядат хясибли, мажлис Дурхъаси Къуръанна аятуни дучниличибад бехлибхъиб. Гур балга-дугъя дариб, илди къабулдархъес Къудратла Вегиличи дугъабизур. Хаслира илди булгули калун

шагъидуни бетаурти Сайидмухаммад Абукараровлис, Курамулахмад-хяжи Рамазановлис, Нурмулахмад-хяжи Хяжимяхямматовлис, гъалавван алхунси Гябдулла Гялишаевлис ва цархилтас булгули калун.

Цалабикибтала гъалаб гъайбухъун: Дагъиста муфтийла заместитель Гялхмад-хяжи Мяхямматов, Дагъиста исламла университетла ректор Хябиб-хяжи Маматханов, «Нурул Ислам» газетала бекли редактор Мухаммад-хяжи Хяжиев, Ногъайла районна администрацияла

бекли Рашид Аджигайтанов, Ногъайла районна имам Динмухаммад-хяжи Аблезов, Къизларла районна имам Гябдулхяמיד-хяжи Мяхямматов, Терекли-Мектеб поселокла имам Умар-хяжи Наиманов, Къизилюртла районна Миатлила шила имам Ибрагим-хяжи Абакаров, Рыбалко шила имам Гялиасхяб Къасумов,

Ногъайла районнизибси мадрасала завуч Хяжимурад Жаватханов, Дагъиста исламла университетла преподаватель Зайнулла Хямзатов ва Сягид Шмалаков.

Гъайбухъунтани ишбархли бегларла челукути султи сарри ахъурцути. Илди имцаливан исламла газетабала бузериличил, тарикъат гъалабхли башниличил, имам Абу-Хянифала дурхъадешличил дархдасунтири.

Мажлис бузахи Дагъиста муфтийла заместитель Мухаммадвакил Султанмяхямматовли.

Ахирличиб мажлисла бутлакъянчибани ванзаличиб даршудеш калахъес ва бусурманти къалмакъарлизибадра бижгубдешлизибадра мяхкамбарахъес Къаудратла Веги Аллагъличи дугъабилзули балга бариб.

Пенсионерти-ургаб дураберкйибси абзла итогуни

Октябрия 5-личиб Мяхячкъалализиб Исламла хъулчни далнила ва дехибала дурусли дирнила шайчиб пенсионерти-ургаб бетерхурси абзла итогуни каиб. Ил абз Дагъиста бусурмантала рухила идарали РФ-ла Пенсионный фондла Дагъиста отделениеличил барх дураберкйибсири.

Аблизир гъарил адамли бутлакъяндеш дарес вирусир, чянкйли илди пенсияличи абикибти гямрула биэс ва динна шайчибси хасси багъуди агарти биэс гягниттири.

Абз хябал бутлализиб бетерхур. Цаибил бутла иш дула сентябрьла 6-личиб бикайчи районтазиб ва шагуртазиб къатанала мижитуназиб дураберкйибсири.

Кйибил бутла бетурхулели устадешличил декларбухъунти районтала центртази жибабтири ва илдазибад устадешличил декларбухъунти чеббикйибтири. Хябъибил бутлализир бутлакъяндеш дарес районтазибад ца-ца адам сабри жибабтири.

Илди ургабси абз Мяхячкъалализибси Сайфулла-къадила мижитлизиб бетерхур. Музабухъунти 13 лебри.

Аблизиб хасси пикри бяхичиусири

дазала дирниличибад бехлибхъили, дехибала дирнила лерилра тяхяр-къяйдаличи бикайчи. Конкурсла гъарил бутлакъянчилизи дазала дарахъиб ва ца ракаглатла дехибала дарахъиб.



Ас-Салам фото

Динна шайчирти багъудлумира суалтас белкйла жавабти дедлугниличил ахтардидирутири.

Абзла гъарил бутла хясибли вецал балличи бикайчи къиматуни сархес вирусир.

Цаибил мер сархиб ва хяжли укъес путевкаличиб лайкикиб Тарумовкала районна Тарумовкала поселоклизи-

вадси Микаил Хяжиев. Кйибил мерличи лайкикиб Мяхячкъала шагъарлизивадси Нажиудин Нажиудинов. Илис призлис 10 азир къуруш дедиб. Хябибил мер Агъулла района Ричала

ри, амма шуибил мерличилра лайкикибси ахленри. Ит яргалис чедибикйибти шелра хяж барахъес бархйибтири. Микаил уркиагархейуб ва ишдус дурабуркйуси конкурсличиб чекайзурли хядурикли, чедибдешлира ил варгиб.

«Динна хъулчни ва Идбагла гямрула гъуни» биклуси жуз илала столличиб мурталра камбирули ахлен.

Микаил Хяжиев Дагъузпарла районнизибси жяххелла Къурушла шилизивадси сай. Ил шилизиб хербирули калунтири Дагъистайзи ислам хйбти Маккализибадти къурайшунни. Асубирар хала бегтала баракат илис чедибдеш сархахъес икъалабиуб биэсра. Илин сунени бурни хясибли, цаибил мерличи лайкикиркличи хуликлуси ахленри. «Нуни илгъуна мурадла ташбатурли ахленри,--разили сай ил гъанна. --Дин руркъес дила халаси иштяли леб».

Микаил Хяжиевлис абзличи хядуриахъес халаси кумек бариб Тарумовкала районна имам Мухаммаднур Жамалутдиновлира. Хятта финалла абзанаичи имам Микаилличил варх Мяхячкъалализи булан музавхъун. Микаил Хяжиев Тарумовкализиб хербирути сунела урубала ургов хяж барибтазивад цаибил ветарар. Ил гъанна хяж барес хядурикли сай ва ункъли гъунчибиркличи хуликлули сай.

Октябрия 26-личиб гурра финал дураберкйили бирар ва гъатира ца адамли хяжли укъес путевка сарху.

ДИН ВА НУША

Селичирли алкӀути ванзаличир лерилра балагъуни?

Ца «духуси» профессорли гъачам университетлизиб сунела студентунази ишгъуна суал бедиб:



– Лерилра лерти секӀал Аллагъли акӀахъубти сарив?

Студентуназицад цали умутличил жаваб бедиб:

– Ге, сари, Аллагъли акӀахъубти сари.

– Хлебиалли гъар секӀал Аллагъли акӀахъубти сай?— тикрарбарили сай сунела суал профессорли.

– Илкьяйда саби, профессор, – тикрарбарили сай студентлира.

Профессорли гӀурра хъарбаили сай:

– Гъар секӀал Аллагъли акӀахъубти диалли, илини вайдешра акӀахъубти сай. Илклун нушани лебли чебиулра. Илгъуна жаваб аргъибхӀели, студент вас-васикӀескайили сай. Профессор биалли сунечи сай разили сайри, сенклун илини иш яргалисра Аллагълици вирхни—къянала хабар биъни марбарес виу-блири.

ИлхӀели цархӀил студентли някъ ахъбуцили сай ва хъарбаили сай:

– Профессор, наб хӀези суал гес асубиару?

– Гъайгъай, бирар,--иб профессорли.

Студент айзур ва хъарбаиб:

– Профессор, бугӀярдеш лебсив?

– Сесуалсабиил? Гъайгъай, лебси саби. Гъачамалра хӀечи бугӀярхӀегисив?

Студентунира жагъил адамли бедибси суайчи дукарбяхӀили саби.

Жагъил адам викӀули сай:

– Гъарли-марли, профессор, бугӀярдеш лебси ахӀен. Физикала законт хӀясибли нушани бугӀярдешлизи халбируси гъарли-марли ванадеш агни саби. Адам яра секӀал бяркъес вирар илини сунезиб энергия бихӀулил яра чеббед-лугулил хӀеръилицун. Таманси ноль (Форенгейтла хӀясибли -460 градус) таманни ванадеш агни саби. Илгъуна температураличиб материя селилра

асархӀебируси бетарули саби. ИлхӀели сегъуналра ванадешра агара. Нушани бугӀярдеш ибси дев акӀахъубтира бекӀлил ванадеш агни аргъахъес багъандан.

Студент даимиубли сай:
– Профессор, цӀябдеш гъарли-марли лебсив?

– Гъайгъай, лебси саби.

– Профессор, хӀу гӀурра вархъли ахӀенри. ЦӀябдешра лебси ахӀен. ЦӀябдеш—ил бекӀлил шала агни саби. Нушани шала бяркъес дирехӀе, амма цӀябдеш—хӀедирехӀе. Нушани Ньютонна призма пайдалабарес дирехӀе цӀуба шала илизирти ранганачи бехъес багъандан. Гъарил рангла рамчла бухъяндеш булан умцес дирехӀе. Гъарил рангла рамчла бухъянди декларси саби. Амма нушани цӀябдеш умцес дирули ахӀенра. ЦӀябдешлизи шала бухӀнаберхес ва ил шалабарес бирар. Секъяйда багъес вирулри хӀуни чиди мерличиб цӀябдеш зумали сабил багъес? Илаб сецад шала лебал умцид. ЦӀябдешра адамли пикрибариса саби, шала агархӀели сегъунти агикъяйда кадизес дирарал белгибарес вализурхӀели.

Ахирра студентли профессорлизи гӀурра хъарбаили сай:

– Профессор, вайдеш лебсив?

Иш яргалис жаваб лугухӀели профессор гъалаван умутчевли ахӀенри.

– Лебси саби, нуни иличили бурирагу. Ил нушани гъар бархӀи чебиулра. Вайдеш—адамтала ургабси къяркъдеш саби. Инсанятлис вайдешла хӀекълизирти дахъал мисалти гӀячихъти сари...

Студентли гӀурра буриб:
– Вайдеш лебси ахӀен.

Вайдеш—ил Аллагъ агни саби. Илра бугӀярдешлици ва цӀябдешлици мешуси саби. Вайдеш—ил адамла урклилизиб Аллагълизибадси дигила лямцӀ агни саби. Илра ванадеш агархӀели багъарбируси бугӀярдешгъуна, шала агархӀели кабилзуси цӀябдешгъуна саби.

Профессор кайиб.
Иличил жаликӀуси студент Альберт Эйнштейн сайри...

Жаваб: Аллагъ урклилизив агархӀели сари балагъуни алкӀути.

ДЕХИБАЛА ДИРНИЛА КЪАДРИ

Имам аш-ШафигӀила мазгъаб хӀясибли

МухӀаммадариф РАМАЗАНОВ,
МяхӀячкъалализибси Имам Шамилла
уличилси мижитла имам

Дурхъаси Къуръаннизив ЧевяхӀси Къудратла ВеӀ Аллагъ ВикӀули сай (мягӀна): **«...Гъарли-марли дехӀибай лайикъагарти ва далхӀедикиктази халдирути баркъудлуми дурадуркӀнилизивад мяхӀкамирули сай»** (Хъисхъа, 45). Яра «ХӀушачи хъарти дехӀибулти чекадизурли диреная, хаслира ургабси балгала ва Къудратла ВеӀла гъалар мутӀигӀли диреная (2: 238). **«Гъарли-марли, бирхутас дехӀибала кабизахъурси заманаличир дирес чебси саби»** (4:103)

ДехӀибалала Исламлизиб халаси къадри лебси саби, ил багъандан сайри вебкӀес гъалаб васиятбирухӀели нушала ИдбагӀли сунела уммаличи дугъайзурли ибси: **«УрухӀкӀеная Аллагълизирад, дехӀиба шайчирра хӀуша някъбала хъархӀердешлиубталара хӀекълизирра»**. ХӀядисунала цализиб бурули саби, илгъуна васият бирусире гъарил идбагӀли сунела уммалис, иш дунъя сунени бархъбалтухӀели.

Ислам селичибалра имцӀали къайгъили бицили ахӀен Цайли Цаси Аллагълис дехӀибала дирнилича ахӀи, сенклун дехӀибайчил саби бусурман адамли Аллагъличил гъаргис бархъбас кабилзахъуси, Аллагълара илала лагълара ургабси бархъбас балгаличил саби бузахъуси.

Аллагъ чучиразиликалад, Абу Саламичибад ва Абу ХӀурейрачибад баили саби, нушала ИдбагӀли ибсири: **«ХӀушани секъяйда пикрибулра, хӀушазивад цала къапула гъалабад хӀеркӀ кабухъи биалли ва илизив ил гъар бархӀи шуйна визули виалли, илала къаркъайчир дахъал нясдешуни кавлану? Илала шаликарти бикӀули саби: «КӀахӀевлан»**. ИлхӀели Идбагъ ВикӀули сай: **«Илдигъунти сари шудехӀ дехӀибалара. Аллагъли илкъяйда бунагъуни ицули сай»**.

Дуги-хӀерила ухӀнав бусурманадам Аллагъла гъалав шуйна дехӀибайчи калзули сай. Илини Аллагъ чевяхӀирули сай ва гъаниркахъули сай, кумекбарахъесиличидугъаилзули сай. Вархъси гъуйчи вяхӀичаахъес тиладибурули сай. Алжана бедахъес тиладиикӀули сай, танбихӀлизивад верцахъес улгули сай, илис сай мутӀигӀли виъниличила бурули сай. Аллагълици илгъуна бяхӀчибизли лагъла рухӀлици асар бирнила къадри халаси саби. ДехӀибай адам рухӀла шайчив умувирахънилара халаси къадри лебси саби. ДехӀибай ил мутӀигӀлира вирахъули сай, лайикъагарти ва маслигӀятхӀедирети секӀайзивадра мяхӀкамирули сай. Илизиб саби дехӀиба беклибиубси къиматчебдеш. ДехӀибала дурусли ва заманаличир дирнили лагъ вайти секӀайзивад гъарахъиркахъули сай ва гӀяхӀти баркъудлуми дурадеркӀахъес вяхӀчиули сай. ДехӀибай адамла урклилизибси бирхаудира дебабирахъули саби, иман

СИЯХ

Къуръан бучӀуси юртла чедир верхӀьибти зубрачи адиути нур дирути сари



Ас-Салам-фото

имцӀабирахъули саби. Ил багъандан ил бархъбас къябхӀебердахънила къадри халаси саби. ДехӀибала дархъдатурсили Аллагъличилси бархъбас къябудахъули сай.

Ат-Табарини Анасличибад ИдбагӀла хӀядис баахъили сай: **«Къиямалла бархӀи лагълици бегӀлара гъалар гъаладирхъути тӀалабкардеш дехӀибала багъанданти сари. Ил шайчив умули виалли, цархӀилти секӀайзивра ил умули вирар. Ил шайчив бунагъкарли виалли, цархӀилти шалубазивра ил бунагъуназив вирар. Ил багъандан лебилра идбагуназивад гъарил сунела уммалиси махӀкӀусири заманаличир дехӀибала дирахъес ва илди дирнилизибад гӀелумхӀебилзахъес»**.

Къудратла ВеӀ Аллагъли дехӀибала дурхъати ва хӀялалти адамтала цаибил лишаннизи халдирули сай. Илини иб: (мягӀна) **«Гъарли-марли, лугъти саби бирхути дехӀибалаличи жавабкардешличил гъамбирути, имцӀати секӀайзибад гъарахъли буути, закӀат бедлугути, чула хъунрачил ахӀи бархӀебиркули буути, ил багъандан чучи гӀяйиб хӀякъути. Илдигъунти саби чузи бурибси дигъяндеш бихӀути ва чузи бихӀяхъес бедибси мяхӀкамли бихӀути, чула гъайлис мурталра марти. ХӀера илдигъунтас бирар алжайзиб даимлис мер»**.

Чучи чебси заманаличиб таманбирути, селра ургаб кӀахӀевлахъути, ил гапирули ва чевяхӀвирули Аллагъла гъала лагӀбилзан. Къуръанничибад ва Сунналичибад чебхӀебухъи, бархъси гъуйчибад башути дехӀибала дарахъес жибируси муэдзинни ишдигъунти дугъачил Аллагъла гъала тӀашбизахъес жибирули вирар: Аллагъ чевяхӀси сай. ДехӀибала дарес къалабадикирая, къалабадикирая дерцес.

Муэдзин дехӀибала дирутази жиикӀули сай Аллагъла гъала тӀашбизес къалабабикахъес. Лерилра чевулкӀахъути дархъдатурли, Аллагълици къалабаикни къулайси саби. Лагъ дехӀибайчи кайзурхӀели викӀули сай: Аллагъ чевяхӀси сай!

Гъарил суждабирухӀели, гӀяширухӀели ва ахъирухӀели, иш дунъя селизилра булхъуси ахӀен викӀули сай. Аллагълис суждабарниличиб мягӀничебси иш дунъялизиб селра лебси ахӀен. Я адамла урклилизиб Аллагълис мер ахӀенси, имцӀали дурхъаси селра лебси ахӀен. ДехӀибала дирусини азгӀиндеш лайбикӀули сай, авараагардешлизибад улхъули сай ва ил Аллагълици дугъаилзули сай.

НУШАЛА ГЯЛИМТИ

Гязиз МИЧГИШЕВ,
журналист

Туркла мезли назмурти
луклуси халаси поэтли
вирусири кьумукъунала
поэт Кьакъашуравадси
Гябдуряхман. Ил ХУІІІ
ибил даршдусла киибил
байхъайзив аклубсири
Кьакъашураб хербирути
Мухаммад-хяжила ва

Гябдуряхман вахъли учули калун-
сири Ширваннизив (азербайжайзив).
Пур ил машгурти гялимтачив учули
Авариялизивра калун. Мурхъти багъуд-
лумачи веглиубси ил Алхажикентлизив
ва Кьакъашурав кьадили ва маллали
узули калунсири.

Шаригятла тяхяр-кьайдала
хлекълизирти гилмурти мурхъли дяр-
кьурси, гярабла ва туркла мез шинван
далуси Гябдуряхман сайра багъудлу-
ми тинтдиран ветаур, иличи бучлес
бахъал жагъилти башутири, илхелера
Дагъиста гяхцад мер-мусаличибад.

Иличиб бучули калун булугуни,
лезгиби, кьумукъланти ва цархилти.
Багъудлумачи беглиубси, илди
чула мер-мусаличи чарбулхъути-
ри ва сабира багъудлуми тинтдирес
бехкабирхъутири.

Динничи чекайзурси, халати адаб-
хяяличил декларулхъуси Гябдуряхман

Кьакъашуравадси Гябдуряхман



тасаввуфла гъйчивра ункъли бажар-
диркусири. Ил шайх ветаур.

Гябдуряхман ХІХ ибил даршдусла
ургайчив вебклиб.

Гямура гьргъитигъунти дусми
илини Атлибунна шилизир дерклиб
(гъанна ил мер Ленинкентличибад
гъарахъли ахи леб.) Ил багъан-

дан саби цацахъли Гябдуряхмайс
Атлибуннизивадси биклутира.
Мяхъчкъалализивад Буйнакъсклизи
аркьухъли, гъалаб ши буибси мерли-
чир дахъхила хябри чедаэс вирар.
Илди хябразиб саби Гябдуряхманна
пирра. Гъанна ил гялимла хябличи
бахъал адамти зияратли башули
саби.

Имцатигъунти сунела произве-
дениеби Гябдуряхмай туркла мезли
сари делкунти. Исламла темалис-
цун ахленри илини назмурти луклуту.
Илала назмурти лер Дагъиста ва
Ширванна маллубачи дугъайзурли
делкунти. Шаригятла кьанунти дуль-
антацира ил кьаршили дураулхъусири.
Жагъилтазибархъсигъуйчи кабизахъес
жииклусири. Кеп-чеклизиб хербирути
балтлуту назмурти лер илала. Ахират
хъумартуртас багъишладарибтира
кьаршидиркули сари. Дагъистайибти
итхелла пачала хлукуматла гьармука
хякимти балтлуту назмуртира делкун
илини. Исламла тяхяр-кьайда дульули
диъниличил разиагардеш балахъусири
Гябдуряхмай. Кадиркути дарсдешу-
нани иличи дебали тлягъагарси асар
бирули. Ил темалис багъишладарибти
произведениебира аклахъуб илини.

СЯИХ

Ватлайчи
дигира—гьарли-
марси
диннизирад
дирути сари

Амма илини аги-кьайда дарсдиэс,
къулайдиэс дирниличил умутра бетихъ-
ахъуси ахленри. Адамти талихъчебли
хербирниличил хъуликлусири.

Гябдуряхман назмуртазир гядатла
адамтани мягъна хергъути дахъал
гярабла ва туркла дугъби кьаршиди-
ркули сари.

Амма иличи херхълеили, литера-
тура руркъян Салав Гялиевли бурни
хясибли, «Гябдуряхмайчил цацадехъ
секлайзив цугикес виэси поэт агара».

Иличил кьабулхъейкесра хейрап.

ХІХ ибил даршдусла ахирличил
делкунти Гябдуряхман тулкни адамта-
ни гъанна иштхъличил дучули сари
мавлидуначир. Илала ва цархилтала
тулкни дучибтири ва дураибтири
Къазанишлизивадси Акакем-къадини.

Илдазирадеклардарили,
Гябдуряхман тулкнала жуз дура-
ибсири Абусупъян Акаевлира.
Эрпелилизивадси Шихаммат-къадила
кьайгъначил 1909 ибил дуслизибра
«Гябдуряхман тулкни» биклуси жуз
Темир-Хан-Шурализибра дураибсири.

ИДБАГЛИЧИЛА БЯНТИ

Вегла мазгъаб бузахъес

Илизибад гъуни кайсули, лебилра адамти
кел бутлаличил бутлес вирар: цаибти—гилмула
адамти (мужтахидуни), киибти—хлебалуту адамти,
илди балуту адамтас (мужтахидунас) геллабад
башес ва илдачи лехихъес гягнитти саби.

Идбаг мицъирли левалли икъалачиби
илизи хьарбиклутури ва илини илдас жавабти
дедлугусири.

Аллагъла Расулли сунела адамти дин
тинтбарахъес цархилти къаманала мер-мусаличира
бурхъутири, илхъли адамти илдачи хьарбиклутури.
Идбагли иш дунья бархъбатурхъели, секлал
имцъали балуту илала икъалачибачи дугъабилзутури.
Илдигъунти аги-кьайда дирутири табигинтала
ургарра. Табигинтас гьргъи чула замана беглар
имцъали гилму далутази халбирутири авалра
мазгъабла имамти.

Хядислизиб Идбаглира бурибсири: «Хяуша
имцъатигъунти бусурмантас геларад дашеная.
Декларкайибси биалли жагъаннаблизив
вагъарирар». Илгъуна гъуни буцахъес
маслигъатбирути гурра гяхцад хядисуни лерти
сари. Нушани чебиули кьайдали, имцъатигъунти
бусурманти мазгъабуннази алавбуцибти саби.

Чини-биалра хьарбаэс асубирар: «Летазилра
сунезирад хлукмурти кайсахъес Аллагъли нушаб
Кьуръан гили сабигу, ил хлебаибсив?» Юх, Кьуръан
гьариллизи хлукму дурайсахъес бархъибси ахлен,
сенкун ил гьарилли аргъесра вируси ахлен.
Кьуръайзир аятуни лер мягъна аргъес багъандан
гяраб мез дагъалли баибти, амма лер аятуни мягъна
аргъес къиянбулхъути, илди аргъес багъандан
Идбагли ва илала икъалачибани датурти илдигъунти
аятунала хлекълизирти баянти хедагъурли аргъес
хейрути. Эгер илди баянти хедагъурли лертанилра

Кьуръанна мягъна аргъес бирути биалри, Кьудратла
Вегли идбагличи хьархъебири: «Нуни хлед
Кьуръан бархъира, хлуни илизирад адамтази чус
хяжатти секлал аргъахъесли».

Нушала замана адам ижтихъадла даражаличи
айкес вирару? Аллагълизибси кьудратла ахир
лебси ахлен. Амма бусурмантала гялимтани
ІУ-ибил даршдусличибад бехъибхъили ишбархъиличи
бикайчи цауркъли бурули саби имам Гяхмадлис
гьргъи ижтихъад тлашкабизурси саби или. Имамти
Нававини, Рафиини, Фахру Разини бурусири гъанна
цалра мужтахид кали ахлен или. Имам Нававила
насихъятчи У-ибил даршдусла гялим Ибну Салахли
бурусири: «300 дус дикили сари сунени гьар
секлал далуси ва хьархъерагарси мужтахид
агархъейчирад».

Имам Гяхмадлизи хьарбаили буили саби:
«Адамти даршал азир хядис уркиличир
дагъалли, ил мужтахид ветарару?» или. Илини
жаваб бедили сай:

- Ветхерар.
- 200 азир хядис дагъалли?
- Илхелера ветхерар.
- 300 азир дагъалли?
- Юх, илхелера.
- 400 азир дагъалра ветхерару?
- Илхъли имам Гяхмад виклули сай:
- Ну хъуликлула!

«Инсаф» биклуси жузлизив Ибну Исхлакь Шакил
виклули сай: «Хлуни илдицад хядисуни уркиличир
далули ахленри, амма фетва дурайсулри?!» Илхъли
илини (гъай имам Гяхмадличила сари) ишгъуна
жаваб бедили сай: «Ну хлукму дурайсухъели,
миллион хядис уркиличир далусили бурибсилчи
хьарихъулра».



Ас-Салам-фото

Машгурти гялимти Навави, Рафии, Ибну Хажар,
имам Гъазали, Бухари, Муслим, авалра мазгъабла
имамти батурли, бархъли Кьуръаннизивад ва
хядисуназибад хлукму дурасес кьабулхъейркули
кали биалли, ишбархъила гялимтачила сейклуси?
Илдала ургаб 100 азир хядис уркиличир
далутира агара биалли. Илдани чус гъалабтани
дурибтачи хьарихъули саби хлукму дурайсуси.
Гъатира тамашавиэси саби, чун гяраб мезалра
хедалути адамти Кьуръайзибад хлукму дурасес
васвасхъейкълули бетулхъни.

Къантли буралли, мазгъабуну дузахъес ва
илдазибад гелумбизахъес маслигъатбирутала
ургабси деклардеш чула багъудлумачил бусурмантала
дунья тамашабихъути гялимти батурли, чун бара
Кьуръан ва хядисуни далутас геларад дашеная
биклуталагъуна саби.

Аллагъ икъалавиаб нушаб бархъси секлал
бархъли чебахъес, балкиси балкли биъни
балахъес ва черхедалкли бархъси гъуйчирад
дашахъес! Амин.

ИСЛАМ ЧЕБЯХИБИРНИ

Гумар бин Хаттабли Ислам къабулбарни

СИЯХ

Беглара вайси
адам—сунезибад
урухкюли, адапти
тяйдилли бууси
сай

Сягид-апанди аль-ЧИРКАВИ

Хаттабла урши Гумар Идбагла ۞ икьалачибазивад халасигъуна сайри. Ил гямрули Аллагъла расулличив ۞ вецну клира дусли виштаси сайри. Идбаг ۞ Къудратла Веги Аллагълизи улгусири Хаттабла урши Гумарлизи дин къабулбарахъили, Ислам чебяхибарахъес

Ит замана Идбаг ۞ дин дигянали тинтибурули левалри ва Маккала лебилра халабегилти илис вайбарес бузулри. Ца бархи Мухаммадла ۞ балкъудлумас къимат бедес или къурайшитуни цалабикиб. Ил кавшили увасес ибси суал хербирулри илаб. Лебилра ил барес къабулбикиб ва тлутукабиуб, гъарил херли сайри Идбаг ۞ кавшили сай ибси хабар мурт багъарбирарал. Чянкли Гумар сайри Мухаммад кавшес къабуликибси. Вайлиу шушкара бигы сайра, Гумар Мухаммад каршис ибси къасличил дуравхъун ил варгес ва Сафа дубурла шайчивяхи ватихъиб. Мухаммад ۞ биалли ил замана сунела шаликартала къукъяличил варх Акрамла юртлизибси Хямзала хъулив сайри.

Гъуйчив Гумарлис Сагду бин Абу Вакъкас къаршиикили сай. Чина ватихъилри или хъарбаихъели, Гумар виклули сай Мухаммад ۞ кавшес или. Сагду илизи виклули сай, хуни Мухаммад ۞ кавшес хейруд. Сагду ил замана Мухаммадла шали буцибтазивад сайри. Сагдуни гурра имцабарили сай: «Нуни ху ил барахъес хелтари, сенкун Мухаммад ۞ Гъашимхъала жинслизивадси сай».

Илхели Гумар гымукчили сай ва, гъаланачи нуни хура каршури или, Сагдучи чевхъи сай. Сагдунира шушка абити сай. Илди бяхлес хядурбиубли саби. Ил замана Сагдуни клелра шагда ахъли дурили сай ва илди сабабарти къалмакъар хедарили декларбикили саби. Илав Сагду Гумарлизи виклули сай: «Ху илцад гяхгъабза виадли, сен хела рузи бусурман дин къабулбарахъес ратурри?» Илхейс Гумарли сунела рузи бусурманриубли риъниличила багъурли уили ахлен. Илала мурул Сягид бин Зайдлира иличил барх Ислам къабулбарили уили сай. Сунела рузини хала бегтала дин бархъатурли биъниличила багъурхъели, Гумарли Сагду вархъатурли сай ва рузила юртлизивяхи къалабаикили сай. Рузи Фатимара илала мурул Сягидра Къуръа «Таха» биклули сура бучули баргили сай. Илдачил варх бусурман дин къабулбарисси Аратла урши Хяйибра левли уили сай. Гумарла гунзрала тама аргъибхъели, Хяйиб хъа гямзила дигяникили сай. Гумар някълизиб шушкаличил хъули ухнахъи сай. Ил багъбиубси херкличи мешули уили сай. Илдани бара гъалаб бучуси се сабрил хъарбаили сай. Мурул-хъунул биклули саби, нушани селра хелбелчунра, цаличил ца гъай сарри диклуги.

Хушани рахли хала бегтала дин бархъатурли хедиша или хъарбаили сай къаркъси тамаличил. Сягидли жаваб бедили сай, нушани бузахъуси дин хала бегтани бузахъусиличиб бархъси саби или. Гумарлис илини бурибси гяхгъизурли ахлен ва иличи чевхъи сай. Илди цаличил ца бяхили саби, Гумар цакъли уили сай ва Сягид ванзаличи кайкахъили сай. Фатима итмадан муруйс кумекличи музарухъи сари ва узи къужварили сари, илкун Сягидла миъирличи кайилри. Гумарли рузис бяхъили сай ва илала ряхлизирад хи чяхидухъи сари. Илхели Фатима узичи дугъаризурли сари: «Аллагъла душман, хуни наб бяхъири или нуни Аллагъ цацун виънилис бикъридеш дирис!» Цархилтани бурни хясибли, илини ишкъяйда или сари: «Бархъдеш илини

тинтибуруси диннизиб хебиалли, хуни наб се-дигара барес вируд» или, шагдадала дугъби дурили сари. Фатимани дурибти шагдадала дугъби аргъибхъели, Гумар хапли сунени барисиличи пашманиубли сай, илини Сягид вархъатурли сай ва сегъунти саррил пикрума ясируцибси ил Сягидличивад тядивиубли сай. Ил рузичи гъамиубли сай ва чуни гъалабан белчунси кагъарла клепли чебаахъес тиладибарили сай. Рузини илизи аятуначилси клепли бедили ахлен. Гумар ил сунези бедахъес гурра тиладиухъи сай, иличи ца херизес дигулра или. Фатимани аргъахъили сари Къуръайзирадти аятуначи къячикес гъалар дазала дихъес чебиркур или. Рузичи лехизурли, Гумар къалабали вазес арякъи сай. Илхели Хяйиб Фатимази виклули сай: марлирагу, хед Аллагъла дугъби динничи херхуси адамлизи дедес дигулрив или. Илини дедес дигули риъниличила аргъахъили сари ва Къудратла Вегили илала узилизира Ислам къабулбарахъу или хъулрикулра или бурили сари. Камси заманала



Илхели Гумарли Аллагъличи хъа барили сай Мухаммад ۞ багъандан къурайшитуначи къаршили ургъес ва бусурмантала лерилра мажлисуначи вашес. Илди хъулибад дурабухъи саби ва, клел тугълизи кабизурли, душмантала гъалабад сегъуналра урехи агарли, мижитлизи букъес батбихъили саби. Ца къяйлизив гъалав вашули уили сай Хямза, итиллизив —Гумар. Илдани ахъли такбир бучули буили саби, зубри ил замана дисули дуили сари.

герги Гумар чарухъи сай ва аятуначилси клепли някъбази буцили сай ва «Бисмилла...» белчи сай. Гур «Таха» сурализирад чумал аятра. Ил «**Ва акими салата ли зикри...**» ибси мерличи ветаибхъели, Аллагъ ца виъниличи вирхаурли сай. Ил виклули сай: илди дугъби дурибсилси сегъуналра вархкъа хяжатси ахлен или.

Илини тиладибарили сай сайра Мухаммадличи ۞ укахъес. Хяйиб биалли, илгъуна кабикес бирниличи муэрлизивалра хъуликес хейруси, дебали развиубли сай ва Гумар мубаракварили сай. Идбагли ۞ барисси балга аргъили уили сай Аллагъли ва Гумарлизи бусурман дин къабулбарахъили

сай. Нуни Идбаг ۞ Абужагълизира Гумарлизира бусурман дин къабулбарахъес ва иличил Ислам чебяхибарахъес Аллагълизи улгули чеира или бурили сай Хяйибли. Гяйшанира бурибсири, биклар, Идбаг ۞ Гумарлизи Ислам чебяхибарахъес Аллагълизи улгусири или. Къудратла Вегили ункъли бала клелра илди хабар цаличи ца къаршили дурадлухъули хедиъни.

Хяйибра Сягидра Гумарличил барх Идбаг ۞ левси мерличи арякъи саби. Илдани унзализи къутдяхъили саби ва абацахъес пурбанбарахъес тиладибарили саби. Идбагличи ۞ гъамти адамтазивад ца унзаличи гъамиубли сай ва музабухъунти чихъали сабил багъес херизурли, Идбагличи ۞ чарухъи сай ва Гумар ацахъишав или хъарбаили сай. «**Ил гяхгъис пикиричил музавхъунси хейалли, илизирад дерцахъес Аллагълизи дулгехле, вайкъасличил вакибси виалли ил нушани ишавад мицирли дурахелхъахъехле**»,—бурили сай Идбагли ۞. Гур ил хъули ацибси Гумарличи гъамиубли сай ва хъуцарлизивадуцилитямхъярварили сай. Гумарличи ружери бакили саби. Идбагли ۞ гур Гумарлизи бусурман дин къабулбарахъес бурили сай, Мугирала урши сайлин балагълизи хейкили левалли, ва балга барили сай: «**Ва, дила Аллагъ, хуни нушала дин Гумар бин Хаттабличил дебабара**». Илхели Гумарли таманбийачи шагда белчи сай. Илхели хъулиб леблра разибуубли саби ва «**Аллагъу Акбар**» биклули саби. Гумарли Ислам къабулбарниличи Идбагла ۞ икьалачибицун ахленну, заклизибти малакуни булан разибуубли саби.

Исламлизибси Гумарла урки дигянали дин бузахъниличибли паргъатбизес бирули буили ахлен. Ил Идбагличи ۞ дугъайзурли сай, нушани бузахъуси дин бархъси биалли, сен ил нушани дигянали бузахъес гягънисси или. Идбагли ۞ бурили сай, гъачамлис нуша камти сарра, нушаб гъалабад кабиркули саби ва ил багъандан дягъандиркес чевкъули саби или. Илхели Гумарли Аллагъличи хъа барили сай Мухаммад ۞ багъандан къурайшитуначи къаршили ургъес ва бусурмантала лерилра мажлисуначи вашес. Илди хъулибад дурабухъи саби ва, клел тугълизи кабизурли, душмантала гъалабад сегъуналра урехи агарли, мижитлизи букъес батбихъили саби. Ца къяйлизив гъалав вашули уили сай Хямза, итиллизив —Гумар. Илдани ахъли такбир бучули буили саби, зубри ил замана дисули дуили сари. Аллагъла расулличил ۞

варх Хямза чеибхъели, къурайшитуни урухбуубли саби. Мижитлизи аркъутала къукъялизив Гумарра чеибхъели, илди таманни хякбизурли саби. Идбагли ۞ Гумарлис Фарук ибси у бедиб ва гъалаб дигянали бузахъуси дин илхейчибад даклули бузахъуси бетаур. Капуртас ил чекасес дебали декси баркъуди сабри, илди динничи къаршили дурабулхънилизивад гяхгъедеш агара биклескабиб, сенкун бусурмантала лугли къалабали имцабиклули саби.

Аллагъла расулла ۞ шапагъятлизибад ва асхябтала баракатлизибад мяхруммабиаб лебилра илди дигахъути.

ГІЯЛИМЛА ХІУРМАТИС

Мухаммадрасул ГІЯМАНОВ,
ДУМД-ла пресс-секретарь


2007 ибил дусл
сентябрь-
ла 29-личиб лебилра
дунъялици ца гьати кахси
хабар тинтибиусири.
Исламла гурра гялим
кавшибсири. Илис гьа-
лав бусурмантала халаси
гялим Курмухаммад-
хияжи Рамазановлизибад
деklarбикила базра
дикили ахленри.
Дагъричебти ва бархъ-
ли пикрибиклес бирути
адамтани аргъес бирули
ахлен сен илдигъунти
анцибукъуни кадирку-
тил ва илди хиллурти
сегъуна мурадличил
дурадуркълутил.

Лерилра гямру даршули
биахъес, баришдеш калахъес,
гяхидешуни дирахъес жииклули
дуркүси адамличи секъяйда някъ
ахъбуцес вируси? Амма илди-
гъунти анцибукъуни ва динна агъу-
ла адамтаци къаршили хиллурти
дурадуркълун Дагъистайзир ва лебилра
Кавказлизир гьадатла анцибукъуни
детатурли сари.

Нушачир адамтаци ва адамдешлици
къаршили дяхицаибти гьатира кахти
анцибукъуни кадикиб. Илди гьатира
сецад детарарал балусира агара.
Губданивадси Нурмухаммад-хияжи
бетахъри илала хъалибаргис ва лебил-
ра шилис биубсицун бетахъри ахлен,
ил Дагъиста лебилра бусурмантала
жамигъатлици бакъибси кахси балагъра
сабри. Илала лерилра гямру адамта-
ла динна шайчибси багъуди гъалабъа
башахъниличичи дяхицаибтири, ислам
калахъниличичи ва гьатира гъалабъа
башахъниличичи дяхицаибтири. Ил
нушала динничичи ва дагъистанланта-
чи далхедикибти сагадешуни кади-
кахъниличичи члумали къаршили дураул-
хъусири. Илани къачагъунала ва вай-
берхунала хиллурти чедиули, цаиб-
тала лугилизиб ишхелла шуртразиб
гъазават бузахъес асухлебирар ва
анцибукъ къалмакъарлици бетикахъес
асухлебирар ибси хлукму дурасибсири.
Илизибси халаси багъуди ва илизир-
ти халати гъабзадеш вагъабийюнтала
идеологиялис гъуни бурцилис къул-
лукъличир сарри. Аги-къяйда секъяйда
гъунчидиркулл белгибирахънилизира
илани мягничебси пай кабихъиб.

Нурмухаммадличича гъайбикъл-
хелли, нушала хлулбала гъалаб ил пер-
гер адамла шаласи сипат мицирбирули
саби, илани сунела гямрула лерилра
бурхъни Ислам руркънилис багъишла-
дариб. Ил дебали малхямси ва халати
кабизалачердеш лерси адам сайри.
Илала юрт булан дин тинтибирани
хиядурбируси гевдугъ сабри. Илани
суненицун хиядаршцад адамлизи
дин багъахъур, илдицад лебри иличиб
бучлули калунти.

Губданивадси Нурмухаммад-хияжи (1948-2007)



Ас-Салам-фото

Сай Нурмухаммад-хияжи суне-
ла заманала гяхидцад машгъур-
ти гялимтачив учлули калун. Илала
насихъятчибала лугилизиб гъанбур-
шули саби Ахъушавадси Гябдусамад,
Губданивадси Гъазимухаммад, Хизри-
къади Аякинский ва Къиргъизиялизив
херирули калунси Ильяс-хияжи.
Жагъил замана ва хъайчикайили
гергъи, ил чуйнал Къиргъизиялизи
вякъунсири, узупра или, Ильяс-
хияжичив гилмули учлусири. Илди
дусми динна гилму руркъес беглар
жапати дусми сарри, сенкълун динна
агъулис гелабадкабиркули лебалри.
Сунези багъуди касахъес икъалаби-
убти адамтала дурхъни илини суне-
ни Губдани жибаиб ва бучлахъули
калун. Нурмухаммад-хияжила узи
Гъазимухаммадли бурни хиясибли,
илани сунела жузи ца гьести
гямрула хъунул адамла юртлизир
дигъандирусири. Сенрил узини ну ил
хъунул адамличи сунес хияжатси жуз
хахъес вархъира, хабар бурули сай
Гъазимухаммадли, узини ил жузлизи-
бад серил сунес хияжатси белчлун ва
гур хлулбазир нургъачил иб: сепай-
да ил жузлизибад наб дигуливан
учлес ва цархилтазира ил белчлахъес
имкан лебси биалри. Нурмухаммад-
хияжила беглар дигуси жузли биру-
сири «Силькуль Гяйн». Дурхънани
бурни хиясибли, дудеш ил жузлизи-
вад деклариркуси ахленри. Илани
жузлизи клапъри имцадариб ва ил-
дази жузлизирад бутни черлуклусири.
Илала библиотеказизирти жузазира
имцадигъунти дахъли диубти сари.
Илани хиялумциурти Дагъистайзирти
жузачи имцали бирхауди бирхъусири.
Халаси библиотека ва даршал-кларш
дус диубти илала жузи къасурбачир
хъсали дирциули ахленну, илала уче-
никунани чекабизурли дучлули сари.

Илди жузани гъаннара адамтаци
багъудлуми дихули сари.

Нурмухаммадла хъулиб мур-
талра мутагялимти бирутири.
Иличи багъудлумани бегъибз
адамти Дагъиста лерилра мер-
мусаличибад башутири. Илала
кел уршира гялимти саби. Илди
чула дудешли бучлахъутири, ил
вебкили гергъира чула саби
бучлули саби. Бучлули саби чула
дудешли мягничертази хал-
дирути жузазирабад. Илди жузи
дучлули калунтири илдала хала
бегтира. Наслуличирад наслу-
личи илкъяйда гердашути
багъудлумала къиматра асарра
имцалира сари. Губданивадси
Нурмухаммадличив учлули
чи-биалра кахлелунси даргала
рахлира ши хлебургар. Губданив
шила имамли бусъегъатла замана
узуси Мухаммад Мурадла илала
ученик сай. Илани сунела учи-
тельла беклалара бусурмантала
авъибил халифлара ургабси тама-
шала бархбас хиясибарили сай: Гяли-
асхиябра рамазан базла 17 ибил бархи
савлила дехлибала дарес аркъуси
замана гъуйчив кавшибсири. Илгъуна
беклалари арухиб Нурмухаммадра.
Къяйклатла маличи музавхъунси
илала уршили чи сайрил къяйкиклуси
хъарбаибхелли, Нурмухаммадли
жаваб лугнилис замана харжхлебариб.
Шагъадат бучлес даимиуб. Дагъиста
ца гьати асилси уршила беклала сьгъят
хлера илгъуна сабри.

Нурмухаммад-хияжи Губданила
шилизирти шагъидунала хиябрази
хиярихъиб. Илди хиябралара къисмат
декъси сабри. Совет хлукматла зама-
на атеистунани динничил дархдасунти
гъарсеклархлукму-урклеци агарли къир-
дирутири, делхъутири ва къел-хлерзи
агарли детихъахъутири. Губданиб клуб
белшес балбизурхелера коммунисту-
нани чус гъамадси, амма кахси тяхър
чеббиклусири: дурхъати хиябрази
целдуби луцрас къаркъуби сарлин
пайдаладирутири. Губданир хиябрачи
ахъти ва жагати целдуби калтлули
бирар.

Иларти хиябри архитектурала ва
каллиграфияла шайчирти памятни-
кунала музейлизи халдарес вирар.
Илдигъунти целдубазибад белшун-
си клубра бахъли тлашли кахлелун.
Советский союз пашбехъубмад, или-
чил дархдасунти секларла къала-
бали гьятлардъкъун. Губдалунтири
ил клублизибад мадраса бариб. Ил
таманбарибти жагъилтазибад гяхидцад
хияфизуни бетаур. Ил таманбарибти
жагъилти Дагъистайзир ва Россиялизир
дурадуркълут динна шайчирти гяхидцад
конкурсуначиб декларбухъун.

**Лебилра дунъяличиб гьарли-
марси дин мицирбаиб, ванзаличиб
даршудеш калаб! Амин.**

СІЯХІ

Унрубалара
бегталагъуна
хлермат
бируси бирар

САГАТИ ХАБУРТИ

Китайла бусурманти Россиялизи бакъиб

2007-ибил дус Россиялизиб Китайла
дус саблин багъахъусири. Ил улкализи
Равиль Гайнутдинни бекдеш дируси
бусурмантала делегацияра бякъунсири.
Ил багъандан Китайла бусурмантала
архия жавабли биахъубли дураберкибси
саби.

Архияла программа дебали
бухнабицибси саби, дахъалгъунибаъни-
би дурадуркълити дирар. Илди РФ-ла пар-
ламентла депутатуначил, Федеральное
Собрание ла членачил, Россияла дура-
ла къуллукъунала Министерствала
руководительтачил гъунибиур. Илала



Ас-Салам-фото

дурабад, китаилан гяхли-бусурманти
Россиялизирти бусурмантала респу-
бликабала гямруличилра тянишбирар.

Гяхлини дураберкибси архияла
замана Дагъистан илди музавхъунси
цаибил республикали бетаур. Илкъяйда
бехлибхъни илдала архия Дагъистан
бегларла умуси даражализиб Ислам
мяхкамбарисси мер биъниличил барх-
басунси саби. Республика машгъурси
саби хабардерхурти динна гялимтачил,
тарикъатла шухрачил. Россиялизиб
ислам тинтибирнилизичи хасира хала-
си пай кабихъиб жавхелла Дербент
шагъарли. Делегация ил шагъар чебаэс
бякъун. Гур делегация Дагъиста муф-
тий Гяхидцад-хияжи Гябдуллаевличил
гъунибаиб. Илди Дагъиста теология-
ла ва дин руркъуси институтла ректор
Макъсум Садикувличилра къарши-
бикиб. Гъунибаъни цабехли цабехла
уркли иргъниличил бетерхур.

Гур Китайла пачалихъла админи-
страцияла 3-ибил департаментла дирек-
тор Чжен Чин (ил имцали машгъурси
сай шайх Бадрутдин сайлин) журна-
листуначил гъуниваиб ва илдала суал-
тас жавабти дедиб. Илани Китайлизиб
исламли бурцуси мерличила буриб.

Илдигъунти гъунибаъниба бухна-
бицибсибузерла бархитаманбиубхелли,
китаилантала делегация унраличиб-
си Чечентала Республикализи аръя-
къун. Гур ил делегация Татариялизир
аркъян. Москвализир гяхидцад гъунибаъ-
ниби дурадуркълесра пикрибарили саби.
Китайла ва Россияла бусурмантала
ургар уржибти бархбасуни кадилзахъ-
нилис халаси икъала биру делегацияли
дураберкибси ил архияли.

ИСЛАМАА ГЪУНИКАД

Къурбан РАМАЗАНОВ,
Агзулла района Тпигла шила
мжитла имам

Ашкарли къяйда, лебилра адамтас талихичебти биэс дигули саби. Ил мурад сархес багъандан илди се-дигара барес хядурли саби, хятта урези-урехи се сартил хъумартес булан хядурли саби, мицирагла даражаличи бикес булан къабулбиркули саби. Дагъри лерси адамликун талихила мягна селизиб сабил аргъили биэс гягниси саби.

Адамтазирти дагъриличун хъарихъ-алли, дурхначи зулмубируси ва гур илди кабурусу вайнукъяни илдигъунти вайти баркъудлуми дурадуркилизиб сунес тлягям бургули сай. Яра кайсехе багъалис адамти кабурушуту хасмушуни—киллерти. Илданира дурхначи бегтазибад ва бегти дурхначибад мяхрумбирахъули саби. Урхила хиличи илдани чус талихил белшес къасбирули саби. Хердизирая тухтуртаци ва преподавательтаци—илданикун чеабисуи наслу багъудлумачи бегтибируси саби ва илдана арадешлис къуллукъбируси саби. Амма илдана ургабра чучила ахи пикрихлебиклети къаршибиркули саби. Гъарил гъазализив сай мякълавсила талихлагардешличи хулби къяпкадарес, сенкун ил сунелацун къайгъилизив сай. Чянкили Аллагъличи вирхуси адам Къиямалла бархли сунечи ляркъутачи пикрииклули сай ва Аллагъли кадизахурти тхяр-къяйда хясибли херирес къайгъилизив сай. Адам веглис кундешунагив ахленну умцлес гягниси, бархдешла гуйчивад вашес чебси саби. Къиянти агикъяйдализи викибхелера ил адамли калес гягниси сай ва гъар секлал ункъли гъунчидиркур или хуликлес гягниси сай, Аллагъли сунес икъалабирниличи вирхули виэс гягниси сай. Иш дунъялизи илцадра чумали алтес асухлебирар, сенкун адам келра дунъялизив талихичевли виэс къайгъилизив виэс гягниси сай. Хера се бурулил Абу Хурайрани нушала Идбагличила. Ил виклули сай: «Нуни хъарбаира: «Ва Аллагъла Расул, Къиямалла бархли хлуни валтахънила игъбарла пай баибси чи сая?» Идбагли ишгъуна жаваб ли: «Къиямалла бархли нуни ватахурли вирар урки-уркилавад «Ла илагъа илла лагъ» виклуси. Пикри бяхичаая, секъяйдали къантли ва саркъахъили бурилл нушала Идбагли келра дунъялизив чи талихичевли вирарал. Чедиб бурибсила мягна гур саркъахъили бурули, илини иб: «Чини урки-уркилавад «Ла илагъа илла лагъ» аллира, ил алжанализи айцур». «Илкъяйда урки гъаргли ибнила мягна селизиб саби?» или хъарбаибхелели сунела икъалачибани, Идбагли иб: «Илгъуна урки гъаргдешла дигяндеш илди дугъбани Аллагъли асухледирутази халдарибти секлайзivad гъарахъли уъни саби».

Нушала замана уркила изайзибад адамти хапли бубкнила анцбукъуни дебали имцадиубли сари. Ил бархбасун-

Келра дунъялизирти талихила ва талихлагардешла лишанти

си саби адамти дунъяличил дархдасунти секлайчи имцали къакъабиклули биъниличил. Ахиратличиван ахи, иш дунъяла гурзумачи имцали къакъабикниличил бархбасунси саби. Ил шайчиб нушала Идбагли батурси дарман—зуд саби, цархилван буралли, дунъяличила пикрумизивад умувьни саби. Зухдла (камсилчира къабулли виънила) мягна Абу Язид Бастамини ишкъяйда баянбирули сай: «Ну дебали тамашавиахъубра Балхлизив къаршиикбси ца адамли. Илини набзи хъарбаиб: «Ва, Абу Язид, камсилчира къабулли виънила мягна селизиб саби?» Нуни илис ишгъуна жаваб бедира: «Асубируси секлал баргибхелели—нушани ил букулра, ил агарли биалли—сабурулура. Илхелели илини гурра иб: «Ил бирули саби Балхлизир хердирути мицираглира». Илхелели нуни хъарбаира: «Цундешлизив херирни хлуни секъяйда иргъули?» Илини иб: «Асубируси хлебаргибхелера нушани сабурулура, ил баргибхелели биалли, ил цархилличил гъалаб чебиула».



Ас-Салам-фото

Гякъулура, дармай къяйдали, адамлис гяхдеш бируси ахлен, эгер ил гягниси тхярли пайдалабирули хлебиалли. Цацабехи адамтани камсилчибра гямалбирнила мягна бархъли иргъули ахлен. Илдани халбируси саби мжитлизив селра хлебирулира кайили уэс асубирар или. Идбагли ибсири: «Къадагъабарибсилчиб халабаибси дийлис мжитлизиб мер лебси ахлен, жагъаннаб—иличибра гъалаб саби». Илини гуррара ибсири: «Асубируси баргес умцули чи усааллира, ил бунагъуназivad умвиубли чевиргъур». Илини иргъахъуси саби дунъялизив лигмат асубируси тхярлицун сархес асубирни. Талаббарибсира кисализи кабирхъуси саби, уркилизив ахленну. Кисализибси дурасибхелели кундеш бирар, уркилизибси дурасибхелели

биалли—инфаркт.

Давлачеталара мискинталара, цакъталара цакъагарталара лишанти лерли къяйдали, талихичеталара талихлагарталара лишанти лерти сари.

ТАЛИХИЧЕБТИ АДАМТАЛА II ЛИШАН:

- 1) дунъялизив камсилчибли гямал бирни ва ахиратлис къуллукъбирниличичекайзни
- 2) Къудратла Вегла гъай аргъес ва ил хясибли херирес къасбирни
- 3) суненчи хъарси ахленсилчила гъайхейкни
- 4) мжитлизир имамлис гегъи кайзурли шудехи дехибала дирни
- 5) къадагъадарибти секлайзivad ва вас-васъала алкъахъути секлайзivad гъарахъли уъни
- 6) веглис насихятчи виахъес ва хялалти адамтачил бархбасуни кадизахъес
- 7) мутигли ва хамдешагарли уъни
- 8) сахаватдеш ва хурматбирни
- 9) Аллагъли акъахъубти секлайчи ряхму-уркелци дирни
- 10) адамтас манпагъатлаирни
- 11) беккаличила имцали гъанбиркахъни.

ТАЛИХИАГАРТИ АДАМТАЛА II ЛИШАН:

- 1) дунъялизив давла бучес гъазализи керхни
- 2) дунъяла лигматуначиб тлягям кайсни ва хамхала талабунас къуллукъличи кайзни
- 3) вайти гъайли угъни
- 4) дехибулти урквалахъни
- 5) бунагъкар адамтачил гъаламгъиркни
- 6) вайти хял-тлабигъат
- 7) халаурхни, хамдеш
- 8) адамтас гяхдеш хлебирни
- 9) дин бузахъутачил къаркъли вирни
- 10) къиркъирдеш
- 11) беккаличила хъумуртни.

Вайти адамтачи хасси лишаннизи халбируси нушала Идбагли гъалар дарибти бунагъуни хъумуртнира. Илдачилакун Аллагъли балуси саби. Талихлагарси адамли сунени гъалар дарибти гяхити баркъудлуми гъандиркахъу ва илдачила гъайиклес дигахъу, илди къабулдарилл ахленал сунени хлебулули виаллира. Ил сунечиб чедибтачи хурматличил хериклули сай, сунечиб диннизив цакъагартчи чебиули ахлен.

Къудратла Вегл Аллагъ илизи виклули сай: «Ну хлу варгес умцира, хлу биалли ну варгес хлемцири, ил багъандан нуни хлу вархъватурри».

Аллагъли нуша сунени ункъли чехледиути баркъудлуми дурадуркилизирад мяхкамдараба, ва нушази гяхити баркъудлуми дурадуркахъес икъалавиаб! Амин.

СИЯХ

Гяхиси маслигъатбирули, вайти къадагъадиралли—иличиб гяхиси баркъуди биэс хлебирар

НУШАЧИ ЛУКИУЛИ САБИ

Сиражутдин ГЯМАРАЕВ

Хейуб Мухаммадгъуна

Аллагълевли сайгъуна
Тлягъатлизив сайгъуна,
Замунтазив сайгъуна
Хейуб Мухаммадгъуна

Пилмулизив сайгъуна,
Зикрулизив сайгъуна,
Иманнизив сайгъуна
Хейуб Мухаммадгъуна

Мурхдешлизив сайгъуна,
Мардешлизив сайгъуна,
Малхямдешлис сайгъуна
Хейуб Мухаммадгъуна.

Пагъмулизив сайгъуна,
Гъунарлизив сайгъуна,
Цакъдешлизив сайгъуна
Хейуб Мухаммадгъуна.

Талихлизив сайгъуна
Игъбарлизив сайгъуна
Нушаб гъалабизгъуна
Хейуб Мухаммадгъуна.

Гъабзадешлис сайгъуна,
Адамдешлис сайгъуна,
Сабурлизив сайгъуна
Хейуб Мухаммадгъуна

Адаблизив сайгъуна,
Дард лебтас даругъуна,
Зягиптас дармангъуна
Хейуб Мухаммадгъуна

Муъминтас узигъуна,
Мискинтас дудешгъуна
Игъбарла къиблагъуна
Хейуб Мухаммадгъуна

Урмазив шалдагъуна,
Шаладешла нургъуна,
Дунъялизив сайгъуна
Хейуб Мухаммадгъуна.

Жагъаннаблис шингъуна,
Алжунтас умхугъуна,
Гяламлис къакъбяхъгъуна
Хейуб Мухаммадгъуна

Къукъулизив лямцгъуна,
Заклизив зурхябгъуна,
Берхигъуна –Бацгъуна
Хейуб Мухаммадгъуна.

Гялам бархъбаресгъуна,
Дунъя гъарбаресгъуна,
Расултазив сайгъуна
Хейуб Мухаммадгъуна

Ахъушала районна
Ушишала ши.

СУАТИ ВА ЖАБАТИ

– Устази вирд 100-на бирахъес бурибси анцбукълизиб зикру бяхъанбитлахъес асубирару?

– Нушачи чебиркур устази бурибси бирес, сенкун илини бурибси бирес нушала чебла саби.



Ас-Салам-фото

– «Магдина» бучлхелира Къуръан бучлхелигунти тхяяр-къяйда дузахъутив?

– Идбагла ۞ хядисуни махражличил дучлахъес маслигътибуриси саби. «Магдинара» Идбагла ۞ хядисуназибад ца саби, ил багъандан илра махражличил бучни къулайси саби.

«Манзумату байкунийа»

– Вирдлис гьегъи шел минутлис кайибхели,

селичила пикрииклес чебси, селичила пикрииклес асухебириси?

– Вегла уркиличи лехихъули кайруси сай, тп ху Аллагъла гъала кайибхеливан ва селичилра пикрииклуси ахлен, ца Аллагъличила ахленси.

– Лайкадакибти дуркъа хябрачиб юрт тлашбатес асубирисив? Хябразир жвлил цѐлдубира агарли диалли.

– Асухебирар, сенкун ил мер вакъпула ва харимла сабли уббухъес асубирар.

– Цацабехи адамтани саби мицирли лебалли хябразиб чус мер чебирклули бирар. Цацахели къалли биркъубли хядурси хяб булан бихули бирар. Исламли ил бирес асубирахъулив?

– Хяб буркъибси мер сунела биалли яра ил мер илала бегтазибад асили виалли, веглис мицирли леваллира хяб балкъаахъес вирар. Амма ил мер вакъпула биалли, хяб барес асухебирар.

Хябрала веги агарли виалли ва хябри жамигъатла диаллира илкъяйда веглис хяб чеббиклес асухебирар.

Хамиубси лагъ

Ца заманализир Египетлизир гаши сарри. Адамтас чинабадалра кумекличи хульбиклес сабабра аги. Къакъабакибти ва гашили гъажизбарибти адамтазибад цацабехили чузибад чули бебкла бирулри. Берубси къацла бутлалис жан дедес хядурти булан лебри.

Ца гъякълукар адам адамтала децличи къакъавакили уили сай. Илис шагъарлизив велкъунси ва цѐрхъси лагъ къаршикили сай. Ил багъандан урги, дебали хамли кайзурли вашули сай. Гаша бубклути адамтала ургавад ил пачяхъан хамли вашули уили сай.

– Эй, лагъ! Алавчарли хѐризиси ва цахъбизахъи илкъяйда кайзурли къунзиклес балагъкъадарлизи бикибти адамтала ургав! Хѐла мякълаб адамти бубклули саби, ху биалли разили сайри. Сен ху къисматли валтусирил илда виркъахъули?!—гъимиличил дугъайзурли сай иличи гъякълукар.

– Дила хужаим давлачевси сай ва сахаватси сай. Илала дахъал ризкъи лер. Илала лугъранилра далули ахлен гаши сегъунти дирутил. Ну велкъира ва разилира, сен висес гъягъисиси наб?—виклули сай лагъ.

Гъякълукарли аргъили сай илгъуна лагълизи илала вегла чедивра лебтасалра ца Къудратла Веги левси сай или бурнилизиваде гъягъидеш хѐбирни. Илини гъар секлал сунес дигуливан гъунчидушес вирусиси сай.

Чягъир дигусиличила хабар

Муртрл ца чягъирлис дебали мутигъиубси адам хѐрирули уили сай. Амма ил ца заманализив держла бужнилизивад гъелумизурли сай. Илхѐли илала къуллукъуни илцадра гъягъил гъунчидиркес дехлдохъили дуили сари, хѐятта ил сунела даражализив булан ахъиубли сай. Чягъирлис мутигъиси замана ил сегъуна сайрил валутани илизи хъарбаили буили саби:

– Хѐла рухъла цакъяличила нушани балулра, амма хуни нушази ишгъуна секлал

бурили дигулра, секъяйдали бажардиикири ху илгъуна пергер адам ветазс? Нушани чеири къалли ху чягъирлис мутигъили вирухѐлира. Секъяйдали бажардиикири ху илкъяйдали гъямрула бетуц барсбиахъес?

– Ге, дила някъ чягъирла пигъайчи бетулхъули калун, сенкун ну лигъматуназибад тѐгъямкасес, уркирахѐтбарес гъазализив сайри итхѐли. Амма ну ужухѐли, иш бержили гъегъи гъямрула бетуц барсбиахъис виклули хѐйрира. Гур наб иш бегла гъегъиси пигъала саби бужуси или пикри башес бехлбихъиб. Ил пикрили наб гъарли-марси талихѐличи гъуни абхъиб или гъанбиркули саби,—бурили сай илини. – Гъанна дила рухъ булан паргъатли сари.

Пача Ануширван ва илала пачалихъ

Сенрил гъачам Иранна пачахѐ Ануширваннис сунела пачалихъ секъяйда хѐрбирулил багъес хѐздухъи буили саби: давлачевли сабил яра мискиндешлизиб сабил. Ил мурадличил илини пачалихълизиб хабар тинтбарили сай пачахѐ декли зѐгипикили сай ва дармайчи хѐжатли сай ибти. Илхѐлира илис дармандирули сари мискинтала юртани делшунти келпичуни или.

Улкала лебилра адамти илдигъунти келпичуни дурчес дурбухъи саби, чула пачахѐ верцахъес багъандан. Амма илдани лебилра улкализир илдигъунти гъятѐбѐлумира мискинтала хульрира даргес биубли ахлен ва бисули саби. Лебилра халкъла шайзивад пачахѐличи ца адам дугъайзурли сай:

– Чевяхѐси пачахѐ, ху илцадра гъягъиси сайри, ил багъандан нуша яшавлизивад къулайли хѐрдирулра, ил багъандан хѐд хѐжатти келпичуназирад дарибти юртани ва гъятѐбѐлуми даргес хѐдиубра. Гъятѐбѐлумазир хѐрдирути арцантилра агара нушачир. Имцаливан илаб тума бирар къаршибиркуси. Агара илра. Нушачир гъар секлал ункъли сари.

Цалабикибти тамашабиубли саби, ил адамли бурибсилличи пачахѐ разивубли чеибхѐли. Пачахѐ виклули сай:

– Сен гъягъиси сабил дила лерилра баркъудлуми дурадеркълахъес набчи хѐриклуси Къудратла Веги Аллагъ виъни. Илис къуллукъбирухѐли, ну дила халкъ къиян-жапализибадра гаши-дѐгъязибадра берцахъес бажардирукулра. Гъанна ну ара-сагълира, дила халкъ ункъли хѐрбирухѐли. Къарциндеш лерал багъес сайри ну гъятѐбѐлумазирадти келпичуначи хѐжаткибси,—виклули сай пачахѐ.

Хурмузла кагъар

Хурмузла визир ибн Шапурли иличи кагъар белкун: «Урхъу бетахъ мерличивад баклибти базригъантани дахъал маржанти хили сари гамурбачир, нуни илди шагълис асира даршал азир динарлис. Амма гъанна багъурлира патишагълис маржанти дигули хѐйни. Аги-къяйда илдигъунти диубли гъегъи, ца базригъаннис маржанти асес дигули сай, илхѐлира нушаб даршал азир динарла къадарлизиб хайри бирули саби».

Хурмузли илис ишгъуна жаваб бархъили сай: «Азир динар диаб, даршал азир динар диаб-нушаб халаси деклардеш агара! Нуша базригъантала аваралидиркъахѐлели, патишагъла баркъудлумазив чи узара ва базригъанти гур сели биркъура?»

Зулкъарнай ва илала министр

Зулкъарнайли сунела ца къуллукъчи халаси даражала къуллукъличивад увкасили сай ва илис камси даражала къуллукъ бедили сай. Гъачам ил къуллукъчи Зулкъарнайличи музавхъи сай. Илизи Зулкъарнайли хъарбаили сай:

– Хѐд сагаси къуллукъ сенбилзули?

– Хѐла гъямру духъянти урдухъаб, дила патишагъ,—жаваб бедили сай илини.—Хѐрматла ва ахъси къуллукъли ахлен адам гъарли-марли пергер ветарахъуси, пергер адамли саби сунела къуллукъла даражала хѐрмат ахъбурцуси.

Гъарил хѐянчилизиб се-биалра гъягъисира бирусиси саби.

Рузнама

Январь

дни	утрен.	восх.	обеденный	послеобед.	вечерн.	ночн.
1	5.31	7.16	12.00	14.08	16.28	18.02
2	5.31	7.16	12.00	14.09	16.29	18.03
4	5.31	7.16	12.00	14.11	16.32	18.04
6	5.31	7.16	12.00	14.13	16.33	18.06
8	5.31	7.16	12.00	14.14	16.34	18.08
10	5.31	7.16	12.00	14.16	16.36	18.09
12	5.31	7.16	12.00	14.18	16.38	18.11
14	5.31	7.16	12.00	14.20	16.41	18.13
16	5.31	7.14	12.00	14.21	16.43	18.14
18	5.31	7.13	12.00	14.24	16.46	18.17
20	5.30	7.12	12.00	14.26	16.49	18.19
22	5.28	7.09	12.00	14.28	16.51	18.20
24	5.27	7.08	12.00	14.30	16.54	18.22
26	5.26	7.06	12.00	14.32	16.56	18.23
28	5.25	7.05	12.00	14.34	16.57	18.26
30	5.24	7.03	12.00	14.36	17.01	18.27

Учредитель
Благотворительный фонд «Путь».
Газета печатается по согласованию и одобрению Духовного управления мусульман Дагестана

Редакционный совет
Председатель редакционного совета муфтий РД
Ахмад-хаджи АБДУЛАЕВ

заместитель муфтия РД
Мухаммад ДАВУДОВ

Редактор
Патимат ВАГИДОВА

Канонический редактор
Гарун ДЖАГУМОВ

Верстка
Асият ХАНОВА
Ахмед МАГОМЕДОВ

Набор
Тавсултан САИДОВ

Менеджер
Мухаммад ХИРИЯСУЛАЕВ

Газета зарегистрирована Управлением Федеральной службы по надзору за соблюдением законодательства в сфере массовых коммуникаций и охране культурного наследия по ЮФО (г. Ростов-на-Дону).

Свидетельство о регистрации
П/И № ФС 10-6401 от 15 декабря 2006 г.

Индекс 51390

При перепечатке ссылка обязательна.

Набрано и сверстано на компьютерной базе газеты «Ас-Салам».
Отпечатано в ООО «Дом печати» по адресу: пр-т Акушинского, 20.

Заказ № _____

Сдано в печать 08 января 2009 г.

Тираж 3700 экз.

Адрес редакции
367015, РД, г. Махачкала,
ул. М. Ярагского, 128.
Тел.: (8722) 61-00-64.

По вопросам подписки и доставки обращаться по телефонам:
по Республике Дагестан — 8-988-699-28-24
по г. Махачкале — (8722) 914-222.

E-mail: info@assalam.ru;
www.assalam.ru